

О грехе детоубийства

(Каноны и молитвы)

Предисловие

Известный греческий архиерей, митрополит Никопольский Мелетий, писал: "Приступающие к убиению во чреве своих детей похожи на Ирода, который уничтожил 14 тысяч младенцев, чтобы никто не смог помешать ему в жизни". Тогдашний мир содрогнулся, услышав об этом злодеянии. Весть о нем дошла даже до Рима. Император, узнав, что Ирод в свое время убил собственного сына, произнес: "У Ирода лучше быть животным, чем сыном". Эти слова императора Августа можно отнести ко многим нашим современникам: не каждый из нас решится убить свою собаку, кошку, но убивать собственных детей стало самым обычным делом. Причем когда убивают животных, они могут защищаться, муха хотя бы попытается улететь, даже новорожденное дитя в случае опасности заплачет, чтобы его услышали и спасли, но нерожденный ребенок не может даже закричать, он абсолютно беззащитен. И страшно не только это. Страшнее всего то, что в отличие от Вифлеемского избиения убийство детей во чреве матери стало нормой, обычным способом решения личных проблем, всего-навсего "прерыванием беременности", "планированием семьи".

Один московский священник на проповеди в день памяти святых мучеников-младенцев сказал: "Сегодняшний день должен стать особенным праздником всех людей, населяющих нашу землю, потому что ни в одной стране мира не погибает во чреве матери столько младенцев, сколько у нас. Каждый четвертый убитый ребенок в мире приходится на Россию, Белоруссию и Украину". Во всем мире действуют организации, борющиеся за права человека, охрану окружающей среды. В Великобритании существует закон, по которому могут привлечь к ответственности хозяина, ударившего собственную собаку, и в то же время детоубийство считается чуть ли не благом. Подобное не сравнишь даже с лицемерием фарисеев, про которых Господь сказал: "горе вам, фарисеи и лицемеры". Ирода по крайней мере нельзя считать лицемером, он все делал открыто, но чем кончил? История сохранила для нашего назидания обстоятельства смерти убийцы. Она была ужасна: "Бог, желая наказать Ирода за его жестокость, постоянно увеличивал его болезнь. Медленный жар мучил и пожирал его внутри. Его внутренность была полна язв; многие наружные части тела были изъедены червями; он едва мог дышать, и его дыхание было так зловонно, что нельзя было приблизиться к нему. И вдобавок ко всему этому страшный голод мучил его, такой голод, которого нельзя было утолить". Так описывает последние дни царя Ирода древний историк. Но на этом не кончилось наказание Божие. Дети его тоже выросли убийцами. Сын Ирода Ирод

Антипа убил Иоанна Крестителя, издевался над Христом. Внук убил апостола Иакова, один из потомков допрашивал апостола Павла. Другой, Агриппа, погиб в Помпеях при извержении Везувия. "Нечестивого наказываю до четырех родов", - сказал Господь.

Священникам нередко приходится выслушивать жалобы родителей на своих детей, часто можно услышать сетования на современную молодежь. Но какие могут быть дети, если родители - убийцы, да еще в нескольких поколениях? Множество проблем нынешнего общества связано с грехом детоубийства. Подумайте только: каждый день, каждый Божий день святые ангелы забирают несколько тысяч душ невинно убиенных младенцев, и самый большой урожай собирают они с земли, называвшейся некогда Святой Русью. Мерзость запустения, стоящая на святом месте! Каждый из нас должен, просто обязан хоть как-то воспрепятствовать творящемуся беззаконию.

Для покаяния в грехе аборта существует Таинство Покаяния (Исповедь), на которой священник в частном порядке назначает епитимью в соответствии с духовным и телесным состоянием кающегося, возрастом, состоянием здоровья и прочими обстоятельствами. Аборт – один из самых тяжких грехов. Святая Церковь, согласно канонам (правилам), отлучала совершивших грех аборта от причастия на 10 лет, наравне с убийцами. В сложившейся церковной практике во всей строгости это правило не применяется, но священник может назначить молитвенное правило для исправления кающегося, для того, чтобы он пришел к истинному покаянию.

В 2016 году Священный Синод утвердил текст молитвенного последования с канонами покаянными о грехе убийства чад во утробе (аборте).

В качестве покаянных молитвословий можно также использовать канон покаянный ко Господу нашему Иисусу Христу или Служба Вифлеемским младенцам, написанная преподобным Андреем Критским. Святитель Николай Сербский в такой ситуации советует творить дела милосердия. Под делами милосердия прежде всего можно понимать деятельное покаяние по отвращению от этого греха ближних, то есть необходимо отговаривать женщин от детоубийств (абортов), помогать нуждающимся беременным женщинам, участвовать в деятельности православных защитников жизни.

Не следует самостоятельно назначать себе молитвенное правило. А также пользоваться сомнительными с точки зрения церковного вероучения текстами молитв, например, «Правилом» схимонахини Антонии.

Подробнее о посмертной участи убиенных во чреве матери некрещеных младенцев рассказывается в книге архимандрита Рафаила (Карелина) «Как вернуть в семью потерянную радость».

Молитвенное последование с канонем покаянным о грехе убийства чад во утробе (аборте)

Утверждено Священным Синодом 27 декабря 2016 года

Во имя Отца и Сына и Святаго Духа. Аминь.

Боже, милостив буди мне, грешному.

Господи Иисусе Христе, Сыне Божий, молитв ради Пречистыя Твоея Матере и всех святых, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святой Боже, Святой Крепкий, Святой Безсмертный, помилуй нас.
(трижды)

Слава Отцу, и Сыну, и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды)*

Слава Отцу, и Сыну, и Святому Духу, и ныне и присно и во веки веков. Аминь.

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропарь, глас 6:

Помилуй нас, Господи, помилуй нас,/ всякаго бо ответа недоумеюще,/ сию Ти молитву, яко Владыце,/ грешнии, приносим: помилуй нас.

Слава Отцу, и Сыну, и Святому Духу : Господи, помилуй нас,/ на Тя бо уповахом,/ не прогневайся на ны зело,/ ниже помяни беззаконий наших,/ но призри и ныне, яко Благоутробен,/ и избави ны от враг наших,/ Ты бо еси Бог наш/ и мы, людие Твои,/ вси дела руку Твоею/ и имя Твое призываем.

и ныне и присно и во веки веков. Аминь: Милосердия двери отверзи нам,/ Благословенная Богородице,/ надеющихся на Тя, да не погибнем,/ но да избавимся Тобою от бед,/ Ты бо еси спасение рода христианскаго.

Господи, помилуй. *(12 раз)*

Приидите, поклонимся Цареве нашему Богу. *(Поклон)*

Приидите, поклонимся и припадем Христу, Цареву нашему Богу. *(Поклон)*
Приидите, поклонимся и припадем Самому Христу, Цареву и Богу нашему. *(Поклон)*

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих; яко да оправдишися во словесех Твоих, и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси, окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего: возрадуется язык мой правде Твоей. Господи, устне мои отверзеши и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския; тогда благоволиши жертву правды, возношение и всесожигаемая, тогда возложат на олтарь Твой тельцы.

Слава Отцу, и Сыну, и Святому Духу, и ныне и присно и во веки веков. Аминь. Аллилуиа, *(трижды.)*

Канон покаянный, келейно чтомый для мужей и жен, повинных в грехе чадоубийства, глас 6

Песнь 1

Ирмос: Яко по суху пешешествовав Израиль, / по бездне стопами, / гонителя фараона / видя потопляема, / Богу победную песнь поим, вопияше.

Припев: Помилуй мя, Боже, помилуй мя.

Ныне приступих аз, грешный(ая) и обремененный(ая) грехом детоубийства, к Тебе, Владыце и Богу моему; / не смею же взирати на небо, токмо молюся, глаголя: / даждь ми, Господи, ум, / да плачуся дел моих горько.

Припев: Помилуй мя, Боже, помилуй мя.

О, горе мне грешному(ей)! / Паче всех человек окаянен есмь, / покаяния несть во мне; / даждь ми, Господи, слезы, / да плачуся дел моих горько.

Слава: Безумне, окаянне человеце,/ в нерадении о покаянии время губиши;/ помысли житие твое и обратися ко Господу Богу,/ и плачися о делех твоих горько.

И ныне: Мати Божия Пречистая,/ воззри на мя, грешнаго(ую), и от сети диаволи избави мя,/ и на путь покаяния настави мя,/ да плачуся дел моих горько.

Песнь 3

Ирмós: *Несть свят,/ якоже Ты, Господи Боже мой,/ вознесый рог верных Твоих, Блаже,/ и утвердивый нас на камени/ исповедания Твоего.*

Припев: Помилуй мя, Боже, помилуй мя.

Внегда поставлени будут престолы на судищи страшнем,/ тогда всех человек дела обличатся;/ горе тамо будет мне, грешному(ей), в муку отсылаемому(ей);/ и то введущи, душе моя, покайся от злых дел твоих.

Припев: Помилуй мя, Боже, помилуй мя.

Праведницы возрадуются, а грешнии восплачутся,/ тогда никтоже возможет помощи нам,/ но дела наша осудят нас,/ темже прежде конца покайся от злых дел твоих.

Слава: Увы мне великогрешному(ей),/ иже(яже) дела и мыслями осквернився(шися),/ ни капли слез имею от жестосердия;/ ныне возникни от земли, душе моя,/ и покайся от злых дел твоих.

И ныне: Се, взывает, Госпоже, Сын Твой, и поучает нас на доброе,/ аз же, грешный(ая), добра всегда бегаю;/ но Ты, Милостивая, помилуй мя,/ да покаюся от злых моих дел.

Седален, глас 6

Помышляю день страшный и плачуся деяний моих лукавых:/ како отвечаю Безсмертному Царю,/ или коим дерзновением воззрю на Судию, блудный(ая) аз?/ Благоутробный Отче, Сыне Единородный и Душе Святой, помилуй мя.

Слава Отцу, и Сыну, и Святому Духу, и ныне и присно и во веки веков. Аминь: Богородичен: Связан(а) многими ныне пленицами грехов/ и содержим(а) лютыми страстьми и бедами,/ к Тебе прибегаю, моему спасению, и вопию:/ помози ми, Дево, Мати Божия.

Песнь 4

Ирмós: *Христос моя сила,/ Бог и Господь,/ честная Церковь/ боголепно поет, взывающи,/ от смысла чиста, о Господе празднующи.*

Припев: Помилуй мя, Боже, помилуй мя.

Широк путь zde и угодный сласти творити,/ но горько будет в последний день,/ егда душа от тела разлучатися будет;/ блюдиися от сих, человеце, Царствия ради Божия.

Припев: Помилуй мя, Боже, помилуй мя.

Почто похоть и блуд безумне твориши,/ сластями мира сего пленяеши-
ся,/ любовь родительску попираеши/ и свое беззащитное чадо убивае-
ши?/ Покайся убо, душе моя, Царствия ради Божия.

Слава: О, безумный человекче,/ доколе углебаеши, яко пчела, собираючи
богатство твое?/ Вскоре бо погибнет, яко прах и пепел,/ но более взыщи
Царствия Божия.

И ныне: Богородице, помилуй мя, грешнаго(ую),/ и в добродетели укреп-
пи,/ и соблюди мя, да наглая смерть не похитит мя, неготоваго(ую),/ и
дове́ди мя, Дево, Царствия Божия.

Песнь 5

Ирмо́с: *Божиим светом Твоим, Блаже,/ утренюющих Ти души любовию
озари, молюся,/ Тя ведети, Слове Божий,/ истиннаго Бога,/ от мрака гре-
ховнаго зывающа.*

Припев: Помилуй мя, Боже, помилуй мя.

Вспомяни грехи твоя, окаянный человекче,/ како себялюбие, сребролю-
бие, жестокосердие и похоть чадоубийцею соделаша тя./ Душе моя
грешная, того ли восхотела еси?

Припев: Помилуй мя, Боже, помилуй мя.

Трепещут ми уди, всеми бо сотворих вину:/ очима взирай, ушима слы-
шай,/ языком злая глаголай,/ всего себе геенне предай;/ душе моя
грешная, сего ли восхотела еси?

Слава: Блудника и разбойника кающася приял еси, Спасе,/ аз же един(а)
леностию греховною отягчихся/ и злым делом поработихся,/ душе моя
грешная, сего ли восхотела еси?

И ныне: Дивная и скорая Помощнице всем человеком, Мати Божия,/ по-
мози мне, недостойному(ей),/ душа бо моя грешная того восхоте.

Песнь 6

Ирмо́с: *Житейское море,/ воздвигаемое зря напастей бурю,/ к тихому
пристанищу Твоему притек, вопию Ти:/ возведи от тли живот мой,/*
Многомилостиве.

Припев: Помилуй мя, Боже, помилуй мя.

Житие на земли блудно пожих и душу во тьму предах,/ ныне убо молю
Тя, Милостивый Владыко,/ свободи мя от работы человекоубийцы диа-
вола/ и даждь ми разум творити волю Твою.

Припев: Помилуй мя, Боже, помилуй мя.

Кому уподобилася еси, душе моя?/ Каину окаянному первому убийце и
Ироду беззаконному детоубийце./ Но Ты, Господи, исторгни мя от греха
сего/ и даждь ми сердце творити заповеди Твоя.

Слава: Воспряни, окаянный человекче, к Богу, вспомняв своя согреше-
ния,/ припадая ко Творцу, слезя и стена,/ Той же, яко милосерд, даст ти
ум знати волю Свою.

И ныне: Богородице Дево,/ от видимаго и невидимаго зла сохрани мя,
Пречистая,/ и прими молитвы моя, и донеси я Сыну Твоему,/ да даст
ми ум творити волю Его.

Кондак, глас 6:

Душе моя, почто грехами богатееш,/ почто волю диаволю твориши,/ в
чесом надежду полагаеши?/ Престани от сих и обратися к Богу с плачем,
зовущи:/ милосерде Господи, помилуй мя, грешнаго(ую).

Икос:

Помысли, душе моя, горький час смерти/ и страшный суд Творца твоего
и Бога,/ Ангели бо грознии поймут тя, душе,/ и в вечный огонь введут./
Убо прежде смерти покайся, вопиющи:/ Господи, помилуй мя, грешна-
го(ую).

Песнь 7

Ирмос: Росодательну убо пещь/ содела Ангел/ преподобным отроком,/ *халдеи же опаляющее/ веление Божие, мучителя увеща вопити:/ благо-
словен еси, Боже отец наших.*

Припев: Помилуй мя, Боже, помилуй мя.

Не надейся, душе моя, на тленное богатство и на неправедное собрание,/ *вся бо сия не веси кому оставиши, но возопий:/ помилуй мя, Христе
Боже, в чадоубийстве повиннаго(ую).*

Припев: Помилуй мя, Боже, помилуй мя.

Не уповай, душе моя, на телесное здравие и на скоромимоходящую кра-
соту,/ видиши бо, яко сильнии и младии умирают, но возопий:/ помилуй
мя, Христе Боже, чадоубийцу сквернаго(ую).

Слава: Воспомяни, душе моя, вечное житие, Царство Небесное, уготован-
ное святым,/ и тьму кромешную и гнев Божий злым, и возопий:/ поми-
луй мя, Христе Боже, тяжко согрешившаго(ую).

И ныне: Припади, душе моя, к Божией Матери и помолися Той,/ *есть бо
скорая Помощница кающимся,/ умолит Сына Христа Бога/ и помилует
мя, покаяние приносящаго(ую).*

Песнь 8

Ирмос: Из пламене преподобным росу источил еси/ и праведнаго жертву
водою попалил еси,/ *вся бо твориши, Христе, токмо еже хочети./ Тя пре-
возносим во вся веки.*

Припев: Помилуй мя, Боже, помилуй мя.

Како не имам плакаться, егда помышляю о содеянном мною,/ *вем бо зол
моих множество, детоубийца сый(сущи)./ Что убо чаю, и на что надею-
ся?/ Токмо даждь ми, Господи, прежде конца покаяние.*

Припев: Помилуй мя, Боже, помилуй мя.

О, Господи, жизни Подателю!/ *За многая Твоя блага воздах Тебе злом,
окаянный(ая),/ отвергох пренебесный дар жизни/ и дарованная Тобою*

чада погубих,/ но во смирении молю:/ даждь мне, Господи, прежде конца покаяние.

Слава: Верую, яко приидеши судити живых и мертвых,/ и вси во своем чину станут,/ стари и младии, владыки и князи, девы и священницы./ Где обрящуся аз?/ Сего ради вопию:/ даждь ми, Господи, прежде конца покаяние.

И ныне: Пречистая Богородице,/ приими недостойную молитву мою/ и сохрани мя от наглыя смерти,/ и даруй ми прежде конца покаяние.

Песнь 9

Ирмос: *Бога/ человеком невозможно видети,/ на Негоже не смеют чини Ангельстии взирати,/ Тобою же, Всечистая, явися человеком/ Слово Воплощенно, Егоже величающе,/ с Небесными вои Тя ублажаем.*

Припев: Помилуй мя, Боже, помилуй мя.

Ныне к вам прибегаю, Ангели, Архангели и вся небесныя силы, у Престола Божия стоящии,/ молитесь ко Творцу своему,/ да избавит душу мою от муки вечныя.

Припев: Помилуй мя, Боже, помилуй мя.

Ныне плачуся к вам, святии патриарси, царие и пророцы,/ апостоли и святителие и вси избранныи Христовы,/ помозите ми на Суде,/ да спасет душу мою от силы вражия.

Слава: Ныне к вам воздежу руке, святии мученицы,/ пустынницы, девственницы, праведницы и вси святии,/ молящися ко Господу за весь мир,/ да помилует мя в час смерти моея.

И ныне: Мати Божия, помози ми, на Тя сильне надеющемуся(ейся),/ умоли Сына Твоего, да очистит мя от тяжкаго греха детоубийства/ и покаяния моего ради дарует прощение,/ егда сядет судяй живых и мертвых, аминь.

Достойно есть яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Святой Боже, Святой Крепкий, Святой Безсмертный, помилуй нас. **Трижды.**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй, **Трижды.**

Слава Отцу, и Сыну, и Святому Духу, и ныне и присно, и во веки веков.
Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

И тропарь, глас 1:

Объятия Отча отверсти ми потщися,/ блудно мое иждих житие,/ на богатство неждеваемое взираяй щедрот Твоих, Спасе,/ ныне обнищавшее мое да не презриши сердце./ Тебе бо, Господи, умилением зову:/ согреших на Небо и пред Тобою.

Слава, и ныне, Богородичен:

Слава Отцу, и Сыну, и Святому Духу, и ныне и присно, и во веки веков.
Аминь.

Пресвятая Богородице, спаси нас!

Упование христиан, Пресвятая Дево,/ Егоже родила еси Бога паче ума же и слова,/ непрестанно моли с горними силами,/ дати оставление грехов нам всем,/ и исправление жития, верою и любовью присно Тя чтущим.

Читаем молитву (смотри в конце текста)

Канон святым мученикам 14000 младенцам, от Ирода во Вифлееме избитым

глас 4

Написан преподобным Андреем Критским.

Песнь 1.

Ирмос: *Пределів пучину чермную Бог, фараона погрузивый в ней, провед Моисея немокренно в пустыню и одождив манну в снедь людем Израилевым, яко силен.*

Звезда возсия в Вифлееме и Едема от мрачных разреши клятвы, и спасения день даруется родоначальником, из девственна облака просиявый Иисус, сущих во тме просвещение.

Тризнице днесь младенцев отверзся верным за Христа и Бога, врагов обличая начала и власти и Иродов обличая мужески младоумный гнев смисленно.

Богородичен: Божественное утверждение и стена нерушима, Чистая, и мысленный мост присно, и неборимый столп, и основание, и покров, егоже ради спасаемся вси от бед – Ты еси воистинну.

Песнь 3.

Ирмос: *Утверждаяй гром и созидаяй дух, утверди мене, Господи, да Тя пою истинно и творю волю Твою, яко несть свят, яко Ты, Боже наш.*

Девственною дверию прошед, Содетель и Бог наш плотский дом Себе созда неизглаголанно, и Младенец бысть, и во яслех восклонися.

Сверстницы, дети – страдальцы Христова воплощения, Иродово неразумное ослепиша неистовство и очи всесветлии Церкви явися.

Богородичен: Из Тебе безотчий явися, безматерен прежде веков Господь, и зиждется преестественно, и наздание дарует сущим из Адама обожения, Дево Неискусобрачная.

Седален, глас 4.

Рождшемуся днесь от Девы младенцев воинство яко Творцу и Царю приятная приносятся заколения, предложенная Христу веры ради.

Слава Отцу и Сыну и Святому Духу, и ныне, и присно, и во веки веков. Аминь.

Удивися, уведев, Ирод, царь лютый, ища яростию, противу боря рождшемуся на земли Царю, юному Христу, и, боязнию и страхом многим содержимь, посылает воинство убить с яростию дети, в Вифлееме младенствующия, купно с ними убить покушаяся Создателя, за благоутробие обнищавшаго: из девственныя бо утробы произыде, спасти хотя род наш.

Песнь 4.

Ирмос: *Услышах слух Твой и убояхся, пророк глаголаше, разумех дела Твоя, и дивихся, и возопих: слава силе Твоей, Господи.*

Дева и небо, небесныя и земныя, Рождеством ходатайствовавши, паче ума примири и вражды средостение разори.

Младенец множество мученически, по Бозе всех пострадавше, почести страдания от Него приемлет: ихже ради Ирод весьма устыдися.

Богородичен: Божественное Слово во утробе зачэнши, страшным Словом паче слова породила еси плотию, Всенепорочная, темже Тя, Богородицу, славим.

Песнь 5.

Ирмос: *Воссияй ми, Господи, свет повелений Твоих, яко к Тебе дух мой утренюет и поет Тя: Ты бо еси Бог наш, и к Тебе прибегаю, Царю мира.*

Чувственное убо солнце облаки покрывается, Умно же и Всеневещественное, безмерным благоутробием в плоть одевся, в вертепе днесь пеленами повивается нас ради.

Скверноубийства кровью Ирод оскверняется: Владыку бо всех, Бога и Царя, убить покусаяся, на отроки неистовствует и свирепствует люте.

Богородичен: Зарю молитвы Твоея, Богородительнице Чистая, слепоту сердца моего озари, яко едина светильника Господа и славы солнце воссиявши Христа.

Песнь 6.

Ирмос: *Буря мя многих согрешений моих потопляет, и изнемогает дух мой; но Ты, Господи, яко милостив, сшед, возведи живот мой.*

Божественное воплощения Слова совершается днесь таинство, Богородице: Тобою бо явися плотию Бог Превечный, да обожит приятие. Рахиль, убо чад плачущи, древле провозвести за Христа младенцев, приемших безгодное заклание; тем и отрицашеся, утешитися не хотящи.

Богородичен: Божественное Рождество Твое, Всесвятая, прозябшую пресече в рай клятву и, стезю древа жизни человеком отверзши, благословение источи.

Кондак, глас 4.

Звезда волхвы посла к Родшемуся, и Ирод неправедное воинство посла люто, убить мя во яслех яко Младенца лежаща.

Песнь 7.

Ирмос: *В пещи авраамстии отроцы персидстей, любовью благочестия паче, нежели пламенем, опаляеми, зываху: благословен еси в храме славы Твоея, Господи.*

Веселится днесь Вифлеем с нами, Ты бо, Невместимаго, в вертепе приемлет, – благословен еси, – вопия, – един Бог отец наших.

Незлѡбива жѣртва и несквѣрная за Тя предзакалаѣтся, Бѡжий Слѡве, вопиюще: благословѣн еси, Господи, Бѡже отецъ нашихъ.

Богородичен: Радуйся, небурное покаяния пристанище, в неже прибегающе, Богородице, зовем: благословѣна еси Единая, рождающая Бѡга отецъ нашихъ.

Пѣснь 8.

Ирмос: *Всяческая, Владыко, премудростию Твоею составил еси, земли же паки утвердил еси, якоже веси, дно, основанием водрузивый на водахъ безмерныхъ. Тем вси вопием, воспевающе: благословите, дела Господня, непрестанно Господа.*

Ангели славятъ власть Рѡждшагося, пастырие чудятся, и волсви поклоняются, небеса возвещаютъ звездоу Зиждителя; с нимиже вси, воспевающе, вопием: благословите, дела Господня, Господа.

Множество неискусозлѡбное воинствуетъ Владыце днесь крѡвию и на Йрода твердо вооружается, Тебѣ, Христѣ, рождшуся. Тем вси вопием, воспевающе: благословите, дела Господня, Господа.

Богородичен: Дѣву Тя, Чистая, храм, и двѣрь, и ѡблакъ, купину неопалиму, и стамну манны, и жезлъ прозябшій, кивѡтъ, и свѣщник, и скрижали завета, гору святую, из неяже камень отсечѣся, пророцы Бѡжии проповѣдаша.

Пѣснь 9.

Ирмос: *Яко сотвори Мне величия Сильный и свято имя Его, и милость Его в род и род боящимся Его.*

Весь в Тебѣ вмещается, Иже в недрахъ сый Отца, и зиждется Зиждитель небесѣ, и истощается менѣ ради, и, в пеленѣхъ повився, разрешаетъ прегрешений пленицы.

В Рамѣ слышася Рахили горькое рыдание, плачь же, и увѣи, и сокрушение: скверноубийца бо врагъ, на чада Вифлеѣмская, Йродъ показася.

Богородичен: Рождествомъ Твоимъ, Дѣво, обожихомся, смертнии: Бѡга бо, Питателя всехъ и единославна Отцу, и раждаеши, и млекоу питаеши. О, страннаго чудесе!

Светилен.

Злѣчную ниву младенецъ, богоборствуя Йродъ, пославъ, незрѣлую пожѣ, окаянный, и, рождающего Господа не возмогъ убить, всякаго срама исполняется.

Молитва

Господи, Иисусе Христе, Сыне Божий, Источниче жизни и бессмертия, пришедый в мир грешныя спасти! Призри на нас, недостойных **рабов Твоих**, व्यю сердца и телесе пред величеством славы Твоея приклоняющих, согрешихом бо, беззаконновахом, неправдовахом пред Тобою, но, на щедроты Твоя и милость Твою уповающе, со слезами молим: благоутробне и всемилостиве Господи, прости и помилуй нас, любовь Твою отвергших, закон евангельский поправших, страстьми ум свой ослепивших, чад своих в безумии убивших, иных к сему смертному греху подвигших или преступному их намерению не возбранивших.

Вемы, Господи, яко достойны есмы огня геенскаго и вечныя муки, но имамы и человеколюбия Твоего образы: разбойника, мытаря, блудницу, блуднаго сына, иже покаянием отверзение дверей Царствия Небеснаго и помилование улучивших. Темже ко множеству щедрот Твоих взываем: приими искреннее раскаяние наше и сердце, оскверненное безмерными грехами, человеколюбне очисти.

Призри, всесильне Господи, на люди Твоя, вразуми братьий и сестер наших, творящих беззакония; возсияй истиною Твоею в сердца заблудших и во тьме пребывающих, загради уста нечестивая и лукавая, детоубийство проповедующая; просвети разум матерей, чад своих во чреве своем умерщвляющих; удержи руку врача-детоубийцы всесильною десницею Твоею; пресеки творимое кровавое беззаконие.

О, многомилостиве и долготерпеливе Господи! Молитвами Пречистыя Твоея Матере, Владычицы нашея Богородицы и Приснодевы Марии и всех святых, наипаче ходатайством святых мучеников младенцев, в Вифлееме от Ирода убиенных, даруй нам время на покаяние, яко да, по заповедем Твоим поживше, настоящих зол и будущих вечных мук свободимся и со благою надеждою и истинным уверением к тамошнему миру пойдем, прославляюще Безначальнаго Твоего Отца, с Нимже благословен еси, со Пресвятым и Благим и Животворящим Твоим Духом, ныне и присно и во веки веков. Аминь.

МОЛИТВА ПО СОГЛАШЕНИЮ (Из Епархии от 11.01.2019)

«Господи, Иисусе Христе, Сыне Божий, Ты бо рекл еси пречистыми усты Твоими: «Аминь глаголю вамъ, яко аще два от васъ совещаѣта на земли о всяцей вещи, еяже аще прѣсита, будетъ има от Отца Моего, Иже на Небесехъ: идеже бо еста два или трие собрани во имя Моё, ту есмь посреде ихъ». Непреложны словеса Твоя, Господи, милосердие Твое безприкладно и человеколюбию Твоему несть конца. Сего ради молим Тя: даруй нам, рабом Твоим, участникам Движения "За жизнь!" и всем,

согласившимся просить Тя, помощи в сем добром деле нами по милости Твоей совершаемом. Спаси, Господи, души матерей от греха детоубийства, а младенцам даруй жизнь и спасение, даруй нам потрудиться во единомыслии и взаимодействии и прекратить абORTы в России, Украины, Белоруссии, Сербии (или назвать свою страну) и помочь семьям, отцам и матерям, кто претерпевает гонения от противников жизни, терпит нужду, притеснения и страдания. Даруй нам благотворителей, достаток средств и всё благопотребное для дела во славу Твою совершаемого. Господи, даруй нам настоящих отцов, исполненных достоинства и мужества, чтущих честь женщин и верных своему слову! Не лиши нас богатырей русских, возврати нам славу мужскую и целомудрие новобрачных, дабы дети наши видели благой пример наш и подражали нам в добре! Сохрани, Господи, семьи в мире, любви и согласии, утверди многодетность в православных семьях и воздвигни былую славу Православия в России. Но обаче не якоже мы хотим, но якоже Ты. Да будет во веки воля Твоя. Аминь».